



ارزرومون بازرگانی اوتاغی نین ریسی: تبریز ایرانی اوروپایا آچیلان تیجاری دروازاسیدیر.

ارزرومون بازرگانی و صنایع و معادن اوتاغی نین ریسی تبریزی ایرانی اوروپایا آچیلان دروازاسی بیلدی.

فارس خبرگوزاریسی نین تبریزدن وئردیگی گوزاریشه گوره، بیر عالی روتبه هئیأتین تبریزه گلن سلیم اوزاکان تبریز شهرداری علیرضا نوینله گوروشوب، منطقهده تبریزین تیجاری و ایتیصادی نقشینه تأکید ائدیپ دئدی: تبریز قدیملردن ایپک یولو اوستونده اولماسینا گوره کئچن عصرلرین ایتیصادی شاه داماری عونوانیندا منطقهده تاپسیز و موهوم یئر توتوب و ائلیه بیلپ ایران و اوروپا آراسیندا بیر دروازایا چئوریلسین و منطقه اؤلکه لری و حتی آسیا اوروپا آراسیندا تیجاری آلیش وئریشلرده چوخ موهوم نقش اویناسین.

ارزرومون بازرگانی اوتاغی نین ریسی سؤزلری نین آیری بؤلومونده ایران و تورکیه آراسیندا کی رابطه لرین درینلشمه سیندن مخصوصاً تورکیه نین موختلیف شهرلری اینن تبریز آراسیندا اولان رابطه لرین چوخالتماسیندان سنویندیگینی بیلدیریب دئدی: تورکیه نین موختلیف شهرلری و تبریز آراسیندا اولان دین، دیل و فرهنگ ایشتییراکلاری و تیجاری ایتیصادی آلیش وئریشلرین اولماسی بو زمینه نی حاضیرلاییب کی ایکی طرفین رابطه لری بو تعامل لر کؤلگه سینده چوخالسن.

او ارزرومون بازرگانی و صنایع و معادن اوتاغی نین تبریزله تیجاری ایتیصادی رابطه لرین چوخالتماسینا حاضیر اولدوغوندان خبر وئردی.

حدیث:

ایمام رضا (ع) بویورولار: «مَنْ رَضِيَ عَنِ اللَّهِ تَعَالَى بِالْقَلِيلِ مِنَ الرِّزْقِ رَضِيَ اللَّهُ مِنْهُ بِالْقَلِيلِ مِنَ الْعَمَلِ» هر کس آلاهی طرفیندن وئریلن رزقین آزیغینا قانع اولا، آلاهی اونون آز عملیندن راضی اولاجاق (بحارالانوار، ج 78، ص 357)